

# TYPOGRAPHUS LECTORI.

**P**ublici tandem Juris fit  
Epistola, quam Sacrum  
Cardinalium Collegium  
ad Cardinalem Noail-  
lium Archiepiscopum Parisien-  
sem non ante multos menses  
scripsit. Magnum statim de illâ  
rumor omnium desiderium incē-  
dit, sed altum adeò, nescio quâ  
Religione, secretum eâ super re-  
tûm Romæ, tûm Parisijs serva-  
tum est, ut explenda curiositati  
irritus, & inanis hætenus cesse-  
rit multorum labor, & industria.  
Vtinam & ipsius Card. respon-  
sum insimul exhiberi posset, sed  
de

de illo nec ex publicis Tabulis  
 quicquam vulgatum est. Quia  
 verò ad eandem Epistolam per-  
 tinere videntur alie duæ olim à  
 prædicto Cardinali ad Summum  
 Pontificem scriptæ; ex his al-  
 teram tantum, quæ ad manus  
 nostras pervenit, hic adsjungen-  
 dam ad clariorem Lectorum in-  
 telligentiam existimaui; sicut  
 etiam illam, quæ à defuncto Re-  
 ge Christianissimo, in hujus con-  
 firmationem, ad eundem Pon-  
 tificem data fuit.

FORIS.

*Reverendiss. in Christo Patri,  
& Domino D. Ludovico An-  
tonio, tituli S. Mariae supra  
Minervam. S. R. E. Pres-  
byt. Card. de Noailles,  
Collegæ, & Fratri  
nostro Chariss.*

PARISIOS.

INTVS  
VERO

**M**iseratione Divinâ Epi-  
scopi, Presbyteri, & Dia-  
coni S. R. E. Cardinales.  
Reverendiss. in Christo Pater, &  
Domine, Frater, & Collega noster  
Chariss. Salutem, & sinceram in  
Domino charitatem. Ubi primùm  
Sanctissimus Dominus noster in-  
tegram causæ seriem, quæ ad no-  
tissimam Sanctitatis Suæ Consti-  
tutionem, cujus initium est; *Uni-  
genitus Dei Filius*; jam ante tres  
annos editam, pertinet, Nobis in  
generali Cœtu congregatis aperi-  
re dignatus fuit, ac dolenda illa  
omnia, quæ ex diuturnâ nimis il-  
lorum

lorum Episcoporum , qui istic eandem Constitutionem eâ , quâ par est , submissione nondum susceperunt , cunctatione provenerunt , & in dies proveniunt , luculenter enarravit ; quamvis hæc ipsa jampridem multorum literis , & sermone , imò etiam , famâ ipsâ nunciante , Nobis innotuissent , magno tamen cum dolore uberiores illorum explicationem à Sanctitate Suâ Nobis factam accepimus . Cum verò insuper , ut præsentibus hisce tam gravibus , imò & futuris forsan gravioribus malis opportunè occurratur , ea iam à Sanctitate Sua remedia decerni inaudivimus , quæ etiam Dominationem Tuam Reverendissimam unicuique nostrum non minùs charitate , quàm gradu conjunctissimam afficerent , nisi posthabitis , rejectisque ijs , quibus detinetur , difficultatibus , quantociùs præfatæ Constitutioni se submitteret ,

teret, adeò perturbati fuimus, ut  
 mœrorem animis nostris conce-  
 ptum nullâ lenire ratione potueri-  
 mus. Quapropter, re maturè per-  
 pensâ, nostrarum partium esse  
 duximus enixè Clementissimum  
 Pontificem deprecari, ut paulif-  
 per Decretis superfedere vellet,  
 ijsque interim fraternæ charitatis  
 officijs Nos fungi permetteret,  
 quæ constans nostra erga Te be-  
 nevolentia, Ecclesiæ pax, Regni-  
 que istius salus jure, ac meritò à  
 Nobis deposcere videbantur. In  
 magnam porrò spem erigebamur,  
 D. T. Reverendissimam pro sin-  
 gulari suo in Sacrum nostrum  
 Collegium studio tum benignè  
 excepturam esse solida hæc inge-  
 nui amoris Nostri argumenta;  
 tum etiam inpensè curaturam,  
 ut Christiana Respublica opta-  
 tissimum illud, quod jamdiù præ-  
 stolatur, gaudium, veluti uber-  
 rimum harum nostrarum litera-  
 rum fructum, perciperet. Petitam

moram non extorsimus, sed illam facile Sanctissimus Pater indulgit: cui nimirum nihil magis cordi est, quàm, ut in ejus Paternum complexum quàm celerrimè venire contendas. Quinimò propositum nostrum plurimum commendavit, non exiguâ spe fretus, quòd D. T. Reverendis, quæ aliàs sui in Apostolicam Sedem obsequij egregia edidit monumenta, nunc pariter officijs nostris adducta memoratam Constitutionem absque ulteriori morâ, ad sinceram, integrâ, promptâque obedientiæ Nostræ normam complexura sit.

Nos verò Te in hanc Nobiscum sententiam eò certius deducendum esse confidimus, quòd per hæc tempora à factiosis hominibus lapis omnis movetur, ut propè divulsus, ac penitus divisus ab illo peculiari nexu videaris, quo Nos invicem colligamur, & Universus Ordo Noster Summo Pontifici, tanquàm Supremo Catho-

Catholicæ Ecclesiæ Capiti arctissime conjungitur. Licet enim Nos minimè lateat fallaces istas, & insidiosas artes ab illis adhiberi, ut tui nominis amplitudine splendidum præuæ Doctrinæ patrociniū comparent, eamque Populis, hoc veluti lenocinio, facilius ingerant, non tamen illata Tibi injuria exindè minuitur, sed maximè augetur; Improbi siquidem Homines isti tantæ calumniæ occasionem forsan nacti sunt, ab illâ animi lenitate, quâ, ut illis omne perfugium eriperes, vanis cavillationibus eludendæ Constitutionis, opportunum iudicasti ab illius promulgatione abstinere, donec Sanctitas Sua sedandis, ut ferebatur, jam commotis eâ super re in Galliâ turbis necessaria remedia suppeditaret. Hinc enim factum est, ut palam, fidenterque jactarent, D. T. Reverendissimam eisdem, ac illi prohibentur, rationibus à suscipiendâ Con-

stitutione deterreri: tuam proinde, & illorum hac in re promiscuè causam agi; eosque à Te probari ab aperto Constitutionis hujusmodi tenore alienissimos sensus, quos ei falsò non minùs, quàm impudenter conantur affingere, perindè ac si nimirum Constitutio ipsa, quæ in ijs, quas improbat, propositionibus aut priusdam damnatos, aut novè adinventos errores contineri disertè edicit, ea insuper perfringeret, quæ nec nova sunt, nec aliàs unquam damnata fuere; ita scilicet mentiri libuit perditionis filijs, ut per summam calumniam effutire etiã possent, eadem Constitutione præcipuam, eamque laudabilem Ecclesiasticæ Disciplinæ vim infringi: solidiora Christianæ illius institutionis, quæ de moribus est, fundamenta subverti: imò, quod horremus referre, ipsamet etiam Orthodoxæ fidei Dogmata labefactari. Verùm, cum præteritarum



rum rerum memoriâ doceamur ;  
 ideirco Romanam Beati Petri  
 Apostolorum Principis Cathe-  
 dram , sæpe malorum hominum  
 conatibus impeti , ut bonorum fi-  
 des , atque constantia magis elu-  
 ceat , omninò persuasum habemus  
 fore ut , quemadmodum retroa-  
 ctis temporibus in similibus Ec-  
 clesiæ perturbationibus sapientis-  
 simus quisque , ne à rectâ verita-  
 tis semitâ deflecteret , Apostolicæ  
 Sedi firmiùs adhæsit ; ita D. T.  
 Reuerendiss. pro suâ sapientiâ ,  
 & pietate , his in Ecclesiâ exortis  
 diffidijs , tenaciùs eidem Sanctæ  
 Sedi obstringenda sit ; sicque fiet,  
 ut hæc procella non ad obscuran-  
 dam , sed ad magis illustrandam  
 fidem , gloriamque tuam excitata  
 esse videatur .

Si qua igitur consolatio in Chri-  
 sto , siquod solatium charitatis ,  
 siqua societas spiritus , impleat  
 D. T. Reuerendiss. gaudium no-  
 strum , ut idem sapiamus unani-

mes; nec diutius à Nobis, & alijs  
 per Galliam Confratribus suis  
 Episcopis, cæterisque per Uni-  
 versam Ecclesiam Antistitibus dis-  
 sentiat. Quid enim ad frangen-  
 dam Rebellium contumaciam,  
 qui magis ipsâ durantur indul-  
 gentiâ, superest, nisi ut Pastores  
 ipsi inexpugnabilem illam, & in-  
 concussam concordiam, in quâ Fi-  
 dei nostræ stabilitas tota confi-  
 sit, perpetuâ firmitate servantes  
 prompto, & sincero erga Aposto-  
 licum Decretum obsequio faciem  
 præferant, ac reluctantes Subdi-  
 tos consueto Sacrorum Canonum  
 rigore compellant? Te ipsum hac  
 in re consulas, Frater, & Collega  
 noster charissime, qui tuis olim  
 ad Sanctitatem Suam datis literis  
 ( quarum Nos nonnisi singulari  
 cum voluptate, maximâque tui  
 gloriâ reminiscimur ) nihil Tibi  
 optatius esse apertè professus fui-  
 sti, quàm ut Coepiscopis tuis, ac  
 Catholicis omnibus Fidei, & Ob-  
 servan-

servantiæ in Apostolicam Sedem non modò socius esses, sed præses, & præires. Nonne experientia suâ probè novit D. T. Reverendiss., quoties ità se gessit, traditamq; à Majoribus nostris viam retinuit, toties uberrimam suæ pietati laudem comparasse, & factiosos homines obmutuisse? Incertum igitur diu, & fluctuantem animum tandem confirmet. Hoc à Te effusis precibus petimus, & jure speramus. Siquidem, ubi intelleximus eâ Te mente Constitutionis promulgationem distulisse, nonnullasque prius Sanctitatis Suae Explicationes exoptasse, quòd censueras sic majorem Pontificio Decreto observantiam haberi, certam Nobis spem fecimus, omninò futurum esse, ut statim ac cognovisses, id ipsum nequaquam in hujus Sanctæ Sedis honorem, sed contemptum accipere, nemo Te promptius, atque paratius in Apostolico Judicio cōquies-

sceret. Quâ quidem re nihil No-  
 bis lætius, nihil Tibi gloriosius,  
 nihil Sanctitati Suæ acceptius,  
 nihil Ecclesiæ salubrius, totique  
 negotio breviter expediendo uti-  
 lius poterit evenire; neque enim  
 dubitamus, quin Antistites illi,  
 qui Tecum sentiunt, facilè, ac li-  
 benter illustre tuum exemplum  
 sint secuturi. Sincero tandem, ac  
 ferventi amoris nostro indulgeat  
 D. T. Reverendiss., ut liberè di-  
 camus in tanto Religionis disci-  
 mine, ita sibi constituendum esse,  
 ut splendidæ suorum natalium  
 nobilitati, præclaræ suæ virtuti,  
 ac eximiæ pietati nullum inde  
 exoriatur detrimentum: sed po-  
 tiùs Galliâ, Româ, Universâque  
 Ecclesiâ spectantibus, Sacrum no-  
 strum Collegium lætari, & gloria-  
 ri meritò possit, quòd Te in pri-  
 stinum Summi Pontificis amorem  
 restituerit, exploratumque omni-  
 bus fiat, S. R. E. Cardinales non  
 minùs solemnis jurisjurandi re-  
 ligione,

ligione, quàm alijs arctissimis vinculis Apostolicæ Sedi præ cæteris obstrictos in illius cultu, & veneratione alios non sequi, sed antecedere, nec unquam ab ejus obedientiâ se subtrahere, sed in illâ tanquam obsequentissimos filios, constantissimè perseverare. Nos interim D. Tuæ Reverendissimæ à Deo Optimo Maximo omnia fausta precamur. Datum Romæ sub sigillo Trium Nostrum in Ordine Priorum die 16. Novembris 1716. Sede plenâ.

*[Faint, mostly illegible text, likely bleed-through from the reverse side of the page.]*

*Exemplar Epistolæ ad Beatissimum  
Patrem Clementem XI. Pontifi-  
cem Maximum scriptæ, quæ  
declatur, quo animo fuerit  
Clerus Gallicanus in Comi-  
tijs, quæ habita fuerunt  
Anno 1705. occasione  
editæ tunc temporis  
Constitutionis.*

**BEATISSIME PATER.**

**C**UM intimo doloris sensu ac-  
cepi, modum illum, quem  
Clerus noster Gallicanus in Co-  
mitijs habitis anno 1705. tenuit  
occasione Constitutionis à S. V.  
editæ adversùs Jansenianum er-  
rorem, quæ incipit; *Vineam Do-  
mini Sabaoth*; visum fuisse eidem  
S. V. diversum ab eo, quem olim  
Majores nostri, occasione Consti-  
tutionum à Summis Pontificibus  
Innocentio X., & Alexandro VII.  
eâdem in re editarum tenuerunt,  
adeò-

adeòque præfatam S. V. Constitutionem, non eâ, quâ par erat, veneratione, atque obedientiâ ab eodem Clero acceptam fuisse. Quod sanè, cum à mente ipsius Cleri prorsus alienum fuerit, officij mei, & æquitatis esse duxi, B. V. quid rei esset aperire, maxime cum ijs Comitij præfuerim eâq; de causâ Votorum omnium particeps, ac præcipuus Testis extiterim.

Testor igitur primò, in Comitij prædictis Clerum nostrum verè in animo habuisse, Sanctitatis Vestræ Constitutionem eodem prorsus obsequio, eâdemque obedientiâ accipere, & amplecti, quâ Majores nostri omnes S. V. Prædecessorum Bullas adversus Janse-  
nium acceperunt, & amplexi sunt.

Secundò, cum Clerus dixit, *Constitutiones Summorum Pontificum à Corpore Episcoporum acceptatas totam Ecclesiam obligare*: mens ejus non fuit, necessariam esse

esse ejusmodi acceptationis solemnitatem, ad hoc, ut illæ tanquam regulæ credendi, & loquendi ab omnibus Catholicis haberi debeant; licet aliquando ista solemnitas non mediocris esse possit utilitatis, ubi natus est error; ultima enim Jansenistarum munita penitus convellere, ipsisque effugium omne in nostris partibus, principio ab his concessa, intercludere operæ pretium duxit.

Tertiò non sibi arrogavit Clerus, ut Sanctiones Pontificias examini suo judicandas subijceret, sed in ipsis, quod olim scribebant Leonis Magno Episcopi Gallicani; *Gaudens, & exultans fidei suæ sensum recognovit, & ita se semper tenuisse, ut vester Apostolatus exposuit, jure latatus est.*

Quartò, certum illi fuit Pontificijs Decretis adversus Jansenium nihil deesse, ut Universam Ecclesiam obligent, & circa illa nec appella-



pellationem admitti, nec mutationem expectari posse. Idem & de Apostolicis adversus Bayum, Molinosum, & Librum vulgò dictum; *Maximes de Saints*, Definitionibus professurum fuisse Clerū existimo, si de illis actum fuisset.

Quæ cum ita se habeant, & genuinam nostrorum Episcoporum sententiam explicent, Sanctitatem Vestram enixè precor, ita de Ecclesiâ Gallicanâ sentiat, ut illam credat, qualem scripsit Innocentio II. Sanctus Bernardus; *Fortem in Fide, pacificam in Unitate, devotam in Obedientiâ Vestrâ, promptam ad Servitium*; Sic etiam hodie affecti sunt omnes Episcopi nostri; ego verò debitæ Apostolatui vestro obedientiæ primus omnium faciam satis.

Apostolicæ Sedi quanta debeam, monebunt me semper Religio, gratus animus, & insita erga Romanam Ecclesiam reverentia, neque necessarius erit ad confirman-

(18)

mādam omnimodam hanc meam  
observantiam aspectus Purpuræ  
illius, quā honestor, & in omni-  
bus summā cum veneratione, &  
obsequio me exhibeo.

Parisijs 28. Junij 1711.

S. V.

*Humil.<sup>mum</sup> Dev.<sup>mum</sup>, & Obseq.<sup>mum</sup>  
filium, & servum*  
L. A. Card. de Noailles.

TRES

## TRES SAINT PERE.

**C**OMME Nous ſçavons, que les Evêques de nôtre Royaume aſſemblez par nôtre permifſion en l'année 1705. n'ont eu d'autre intention en recevant la Conſtitution de V. S., que de marquer le reſpect, qu'ils ont pour Votre Beatitude, nous avons approuvé la lettre, que le Cardinal de Noailles Preſident de cette Aſſemblee écrit à V. S. comme témoin de ce, qu'il a veu, & de ce, qu'il ſçait des ſentimens de ſes Confreres. Nous La ſupplions auſſy de croire, que nous employerons toujours avec plaifir nôtre autorité à maintenir dans nôtre Royaume la veneration due au Chef de l'Eglife, & au Vicaire de Jeſus Chriſt ſur la Terre, & que nous ſouhaitons tres ſincèrement, qu'il plaiſe à Sa Divine Bonté de conſerver longtems un

ſi

(20)  
si grand Pape pour le bien des fi-  
deles . Ecrit à Marly le 29. Juin  
1711.

*Votre Devot fils*  
Le Roy de France, &  
de Navarre Louis.

*Colbert.*

750h

ANT 1316 887